

祁縣志目錄

卷一

輿圖

祁縣全圖
縣城圖
縣治圖
學宮圖
八景圖

星野

沿革

卷二

疆域

坊村
市集附

山川

形勢

水利附

城池

堡寨

武備附

關梁

驛遞附

卷三

縣治

行署

倉場附

學校

田賦

丁賦

稅課附

卷四

風俗

物產

鹽法附

古蹟

墳墓

坊表附

祠廟

寺觀附

封爵

誥贈附

卷五

職官

名宦

卷六

選舉

刊目 徵 應 拔 副 歲
貢 監 仕 創 仕 員 職 員 武 鄉
附

卷七

鄉賢

卷八

人物一

卷九

人物二

孝友 文苑 尚義 飭行 仙釋 方伎

卷十

列女

藝文

制詔勅表序考

卷十一

藝文

世家傳記

卷十二

藝文

記神道碑

卷十三

藝文四

墓表

卷十四

藝文五

墓誌

卷十五

藝文六

詩詞賦

卷十六

祥異

雜紀

縣志卷七

祁縣知縣陳 時編輯

鄉賢

祁自周至明鄉賢三十有二人系出溫王二族者二十人固扶輿之鍾靈使然其淵源乎世德遠矣古有名滿天下而行慚一鄉抑或不出戶庭而善應千里要其持躬淑世經緯燦然當有不可磨滅者存今之協鄉評而崇祀典者必經人

告蓋其慎也如志載諸賢非記所稱鄉先生沒可祭于社者耶志鄉賢

周

祁奚本晉公族獻侯之後因食邑於祁遂以祁爲氏而家焉歷事晉景厲悼平四公悼公以其果而不淫也立爲中軍尉以羊舌職佐之未幾請老公問嗣焉稱解狐其讐也將立之而卒又問焉曰午也可羊舌職死公問孰可代曰赤也可君子謂祁奚於是能舉善矣稱其讐不爲諂立其子不爲比舉其偏不爲黨商書曰無偏無黨王道蕩蕩其祁奚之謂與解狐得舉祁午得位伯華得官建一官而三物備能舉善也夫

唯善故能舉其類詩云惟其有之是以似之祁奚有
焉平公卽位復起爲公族大夫樂盈之難范宣子并
叔向囚之樂王鮒見之曰吾爲子請叔向弗應其人
皆咎之叔向曰必祁大夫樂王鮒從君者也何能行
祁大夫外舉不避仇內舉不避親其獨遺我乎詩曰
有覺德行四國順之夫子覺者也平公問叔向之罪
王鮒以有對祁奚聞之乘驛而見宣子曰詩曰惠我
無疆子孫保之書曰聖有謨訓明徵定保夫謀而鮮
過惠訓不倦者叔向有焉社稷之固也猶將十世宥

之以勸能者今壹不免其身以棄社稷不亦惑乎
鯀而禹興伊尹放太甲而相之卒無怨色管蔡爲戮
周公右王若之何其以虎也棄社稷子爲善誰敢不
勉多殺何爲宣子說與之乘以言諸公而免之不見
叔向而歸叔向亦不告免焉而朝

祁午父奚請代已爲軍尉曰擇臣莫若君擇子莫若父
午之少也婉以從令游有鄉處有所好學而不戲其
壯也強志而用命守業而不盈其冠也和安而好靜
柔惠小物而鎮定大事有直質而無流心非義不變

非上不舉若臨大事其可以賢於臣也臣請薦所能
擇而君此義焉公使午爲軍尉沒平公軍無秕政景
王四年從趙武會於虢午謂武曰宋之盟楚人得志
於晉今令尹之不信諸侯之所聞也子弗戒懼又如
宋子木之信稱於諸侯猶詐晉而駕焉況不信之尤
者乎楚重得志於晉晉之耻也子相晉國以爲盟主
於今七年矣再合諸侯三合大夫服齊狄寧東夏平
秦亂城淳于師徒不頓國家不罷民無謗譟諸侯無
怨天無大災子之力也有令名矣而終之以耻午也

是懼吾子其不可以不戒武從之後楚遠啟疆論音
人稱午爲諸侯之選

解狐相傳爲縣之東冀里人卽郝奚之讐而奚舉以代
已者性忠直不計私怨其在官也嘗舉其讐以爲相
讐往拜謝狐引弓迎而射之曰吾不以私怨擁子於
吾君子奚拜且謝爲也又舉荆伯柳爲上黨守趙簡
子曰非子之讐乎對曰臣聞忠臣舉賢不避仇讐及
柳往謝狐曰舉子公也怨子私也子往矣吾怨子矣
其忠直類如此

漢

溫序字次房太原祁人也仕州從事建武二年騎都
弓里戍將兵平定北州到太原歷訪英俊大人問以
策謀咸見序奇之上疏薦焉於是徵爲侍御史遷武
陵都尉病免官六年拜謁者遷護羌校尉序行部至
襄武爲隗囂別將苟宇所拘劫宇謂序曰子若與我
并威同方天下可圖也序曰受國重任分當效死義
不貪生苟背恩德宇等復曉譬之序素有氣力大怒
叱宇等曰虜何敢迫脇漢將因以節撾殺數人賊衆

爭欲殺之字止之曰此義士死節可賜以劔序受劔
銜鬚於口顧左右曰旣爲賊所刃殺無令鬚汙土遂
伏劔而死序主簿韓遵從事王忠持屍歸歟光武聞
而憐之命忠送喪到洛陽賜城傍爲冢地賻穀千斛
縑五百匹除三子爲郎中長子壽卽棄官上書乞骸骨歸
夢序告之曰久客思鄉里壽卽棄官上書乞骸骨歸
葬帝許之乃反舊塋焉

序墓在今并州祁縣

王允字子節世仕州郡爲冠蓋同郡郭林宗見而奇之
曰王生志在千里王佐才也遂與定交允少好大節